

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

حکمیه

آبونه اولمق ایستینلردا اثره عدلیه ده
اداره مخصوصه سنه مراجعت
ایتملیدر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تَبْلِیغَات

حجز احتیاطی به دائر ویریلان قرارلرک معاملات
تبلیغیه و تنفیذیه سی مقاولات محررلرینه عائد وظائفدن
اولوب ملتزمین ویا کفلاسنگ خزینه و بانق مامو-
ریتارندن جزئی طلب اولنان اموال منقوله لری اکثریا
قراده بولنسنه و بومثللو اموال منقوله حقنده طوتلسی
طبیعی اولان ضبطنامه نك لدی الايجاب قید و تحریری
ضمننده دفتر مخصوصنك قریه کوتورلسی لازم کله رک
بویاسه احکام قانونیه به مخالف اولدینی کی اومقوله
ضبطنامه لرک محررلرکجه طوتیلان دفاتردن هانکیسنه
قیدی اقتضا ایده جکنه دائر برکونه صراحت قانونیه
دخی بولنه مامسنه کوره مذکور ضبطنامه لرک نسختین
اوله رق تنظیمیه برینك اجرایه تودیی و دیگرینك
محررلرکجه حفظی و قید خارجنده قالماق ایچونده
فهرست دفترینه خلاصه قیدی صورتی وارد خاطر
ایسه ده هر بر ضبطنامه ایچون یکر میشر غروش خرج
استیفاسی خرج تعرفه سنك سکسان بشنجی ماده سی
احکامندن اولمسیله بوسورت اصحابنك اغیرخر جلاله
اضرائی موجب اوله جغندن ومع هذا بویکی وظیفه به
متفرع معاملات ایچون آلنه جق ضبط خرجیه تبلیغ
اولنه جق شخصك بولندینی محکم بعد مسافه سنه کوره
اخذی مقتضی اولان خرج راهك اجرت یومیه
ومصارف ضروریه دن معدود اوله رق بالطبع محررلرک
عائد ویا خود بوکا مقابل محاکم پولی صرفیه داخل تقسیم
حاصلاتدن معدود اولدیفنده تردد ایدلیدکندن بچثله
استفسار معاملیه بی متضمن اشقودره ولایتی استیناف
محکمه سی مدعی عمومیلکندن وقوعبولان اشعاراوزرینه،
التزام سندلرندن دولای ملتزمین و کفلاسنگ اموال
منقوله وغیر منقوله لری حقنده حجز احتیاطی به لزوم
اولیوب بونلر حکم استحصانه حاجت اولمقسزین
طوغریدن طوغری به اجرا معرفیه حجز وفروخت
اولنه بیله جک لرنندن اولبابده جریان ایده جک حجز
معامله سی دخی دائرة اجرایه عائد بولنسنه کوره
مقاولات محررلکی وظائفنه تعلق ایمان بومقوله میری

مدیونلرینك قراده کائن اموال منقوله لرینك قبل الحکم
اجرای مجزینه متفرع معاملاتك تدقیق صوراجرایه سی
خارج از صدد اوله رق ترده شایان مسائلدن اولمدینی
کی سائر مدیونلرک قبل الحکم حجز احتیاطی آلتنه آلتسنه
محکمه به ویریه جک قرارلرک اجراییچون مجوزک
معاینه سیله بی و ضبطنامه تنظیمی ضمننده محله کیدلسی
اقتضا ایتمدیکی حالد دخی محکمه به تقدیر اولنه جق
اجرت یومیه محرره و حجز نامه نك تبلیغی ایچون
مسافه سنه کوره قانوناً معین اولان اجرت قدیمه تبلیغ
ایدن مباشره عائد اولمق اوزره حاجزدن اخذ واستیفا
اولنه بیلورسه ده مقاولات محررینك تنظیم ایده جکی
ضبطنامه نك طرفینه تبلیغی حقنده برکونه صراحت
قانونیه اولمدیفندن مذکور ضبطنامه ایچون خرج
تعرفه سنك طقسان برنجی ماده سی موجبجه یالکزر
یکرمی غروش خرج استیفاسیه مقاولات محررلری
نظامنامه سنك یکرمی یدنجی ماده سنه کوسرتیلان
برنجی دفتره قیدیله اکتفا اولنسی لازم کله جکی انجمن
عدلیه افاده اوله رق اولوجهله ذکر اولنان مدعی-
عمومیلکه جواباً تبلیغ و انبا ایدلشددر .

مُحَاكَمَاتُ مَقَرِّ الْأَمْرِ

محکمه تمیز استعدا دائره سنندن تنظیم واعطا

قلنان ۱۰ اغستوس سنه ۳۱۸ تاریخی اعلامدر :

اسپارته سنجانغی داخلنده اولو بورلی قضا سنه
تابع سکرکند ناحیه سنك شیخلر محله سنده مقیم حاجی
عبداه افندی ایله مالیه خزیننه جلیله سی بیننده متحدث
دعوا به دائر قونییه ولایتی استیناف محکمه سنندن ۹ مایس
سنه ۳۱۸ تاریخی ودرت عددی ایله ویریلان اعلام
مومی الیه حاجی عبداه افندی طرفندن تمیز اولمغله اعلام
مذکورک قرار قطعی بی شامل اولدینی محکمه تمیز هیئت
عمومیه سنجه اکثریتله قرار آلتنه آلتدقدنصکره اساس
حقنده تدقیقات تمیز به اجرایی ضمننده اوراق
مذکوره دائره به تودیع ایدلمکله باش مدعی عمومیلک

مأموریت بهیه سنك مطالعه نامه سی آلنه رق اعلام
مذکور یالکزر مستدعینك اعتراض لایحه سیله بالمطالعه
تدقیقات تمیز به اجراییه ابتدار قلندی .
اعلام مذکورک خلاصه مالی: مومی الیه حاجی
عبداه افندیك التزام اولنان بر طاقم اعشاره اولان
کفالتندن طولای خزیننه مشار الیه جانبندن املاک
واراضیسنه وضع حجز ایدلمش ابسه ده مومی الیه حاجی
عبداه افندیك دیگر رفیق لریله معاً کفیل اولمسی
حسیله دیندن حصه سیله مطالبه ومؤاخذه اولنسی
مقتضی ایکن خزیننه مشار الیه جانبندن مجموع دینك
کفیل مومی الیه دن استیفاسی ضمننده املاک
واراضیسنه موضوع حجزك انجق دیندن حصه سی
مقدارینه حصریله فضله سنك فکته دائر اسپارته
سنجانغی بدایت محکمه سنندن استحصال ایدلیدی اعلام
ابتدائی خزیننه مشار الیه وکیلی جانبندن استیناف
ایدلمکله قونییه استیناف محکمه سنجه حکم ابتدائی
بعض اسباب قانونیه به مبنی فسخ ایدلد کدنصکره جریان
محاکمه و تدقیقات استینافیه نتیجه سنده مستأنف علیه
حاجی عبداه افندیك خلاصه ادعای اسپارته لی
طنه بلوس اوغلی یا قونك اوچوز یدی سنه سنده
درعهده والتزام ایتش اولدینی قرای معلومه حیوبات
اعشاری بدلنه کندوسی ایله طنه اوغلی یوردان
واستاوراکی معاً کفالت ایتش واولبابده کی التزام
سندی زیرینه محرر کفالت شرعی هر اوچی طرفندن
امضا و تختم و مجلس اداره و مقاولات محررلکی
جانبندن تصدیق ایدلمش و بناء علیه اعشار مذکوره
بدلندن حصه سنه اصابت ایدن مقدار دین ایله مؤا-
خذمه سی حکم مجله اقتضاسندن بولندینی حالد خزیننه
مشار الیه جانبندن مجموع دینك کندوسندن استیفا-
سیچون املاک و اراضیسی حجز ایدلمش و کندوسی
ایسه حصه سنه اصابت ایدن دینی تسویه و ایفا ایلش
اولدیفندن بچثله کندوسنك برائتی و حجز واقعک
فکتنی ادعادن عبارت ایسه ده خزیننه مشار الیه وکیلی
طرفندن ابراز اولنان مزاد قائمه لرنده کفیل کله سی
آلتنه یالکزر مستأنف علیه حاجی عبداه افندیك
مهری کورلمش و بوسورت کندوسنك دخی تحت اقرار

واعترافنده بولنش اولسنه نظرأ مومی الیهك كفالت محرر دنی منفردأ ایجاب ایلدیکي وحکومتجه دخی مومی الیهك كفالتنه بناءً اعشار مذکورہ نك احوالہ سی اجرا قلندینی اكلاشلمش وشو حاله كفیل مومی الیهك اعشار مذکورہ بدلندن متباقی دینك مجموعیله مؤا - خذہ سی مجله اقتضاسندن بولنش اولدیغندن مومی الیهك ادعاسنك ردیله مستألف خزینہ وکیلی طرفندن كفیل مومی الیه حاجی عبده افندینك غیر از تسلیم دخی بولندی بیان وادعا اولنان آلتش سكر بیک یوز غروشك مجموعیله مؤاخذه سی لزومنه حکمدن ومستعدی تمیزك اشبو حکم علیهنده لایحه سنده محرر خلاصه اعتراضاتی، دعوی واقعہ حقندہ لاحق اولان حکم ابتدائی موافق اصول وقانون ایکن بلا اسباب موجبہ استیفاءً فسخ ایدلسی واعشار مذکورہ به اولان كفالتی احکام مجله به موافق وسند كفالتہ اشخاص سائرہ الیه معاً كفیل اولدقلری محرر بولندی حالده مجموع دین الیه كندوسنك مؤاخذه سی لزومنه قرار ویرلش ومبرز مزاد قائم لرنده استاورا کی ویرودانك دخی كفالتلرینه دأر مهرلری اولدیگی حالده بوجھتك تدقیق ایدلیهرك مسكوت عنه براغلمسی مخالف قانون اولدیغندن بخله اعلامك تقضی استدعا - سندن وآف البیان مطالعه نامه مندرجاتی دخی مدت وشرائط بولنده اولمغه برابر استیفاءً رؤیت اولنان دعوی اساسیه مستعدی تمیزك منفرداً اجرای كفالت استدیكندن بخله مجموع دین الیه مؤاخذه سته قرار ویرلش و اگرچه معاملات ابتدائیدن اولان مزاد قائم سنده یالكر كندوسنك كفالت ایلدیگی اكلاشلمقده بولنش ایسه ده اعشارك بعد الاحاله اصولاً تنظیم واثنا ی محاكمه ابراز اولنان وشرائط لازمه بی حاوی بولنان اصل كفالت سندنده دیگر كفالتك كفالت ونهملدری نظاهر ایسنه نظرأ سند اصلی نظر دفته آنه رق اكاكوره قرار ویرلش لازم كلور ایكن بروجه محرر مزاد قائم سته بنای حکم ایدلسی مغایر قانون اولدیغندن قرار یمن هك تقضی لازم كلهجکی بیانندن عبارت بولنشدر .

ایجابی مذاكره اولندقده اعلام مذکورك نتیجه مفادی، خزینة جلیله وکیللك اعشار مذکورہ بدلندن طولانی مومی الیه حاجی عبده افندیدن آرامقده اولدیگی مبالغ معلومه ایچون دیگر لریله معاً كفالتی وقوعه مبنی عند التدقیق تعین ایدجك ذمتندن حصه سته اصابت ایدن مقدار الیه مؤاخذه اولنسی بولنده مومی الیه حاجی عبده افندی طرفندن درمیان اولنان ادعاك شان قبول کوریه میهرك ردیه كفالتی منفرداً وقوعنه مبنی كندوسنك مجموع دین الیه مؤاخذه اولنسی لزومنه حکمدن عبارت اولسنه كوره

حکم مذکور اسباب موجبیه مستند واصل قانونه موافق اولوب مستعدی تمیزك بالاده محرر اعتراضاتی الیه لایحه سنده مندرج اعتراضات سائر سی تقضی حکمی موجب کوریه مدیکنه مبنی ردیه اصول محاکمه حقوقیه قانونك ایلکوز قرق ایکنجی ماده سنك فقره ثانیه سی موجبجه اعلام مذکورك تصدیقه ووزاوتوز سكر بیق غروش مصارف تمیزیه نك مستعدی تمیزه رجوع اتمك اوزده اول امرده مدعی علیه اولان خزینة جلیله دن آلتسنه ۱۰ اغستوس سنه ۳۱۸ تاریخنده متفقاً قرار ویرلدی .

محکمه تمیز حقوق دأر هسندن ۷ تشرین ثانی سنه ۳۱۸ تاریخیه تنظیم واعطا اولنان اعلامدر :

کملیک قصیه سنك آرمودی قریه سنده مقیم اذمدلی اوغلی مصطفی اغا الیه ابراهیم پاشا مجله سنده ساکنه مرحوم سلیمان بك زوجہ سی نیره خانم بینده متحدت دعویله دأر کملیک بدایت محکمه سندن ۲۰ تشرین ثانی سنه ۳۱۸ تاریخی والتش ایکی عددی الیه ویریلان اعلام مزبور مصطفی اغا طرفندن تمیز ایدلمكه اعلام مذکور طرفینك اعتراض وجواب لایحه لریله بالمطالعہ تدقیقات تمیزیه اجراسنه ابتدار قلندی .

اعلام مذکورك خلاصه مآلی : مزبوره نیره خانم وکیلی، مؤکله سنك زوجی متوفی سلیمان بك امور بك قریه سنده متصرف اولدیگی معلوم الحدود برقطعه زیتونلکی ایکی تقسیطده ویرلش اوزده تحبأردن عمر اوغلی علی اغا نام كسنیه یوز سكرسان بش عدد لبرای عثمانی مقابلنده فروخت ایدوب ثمن میعی قبل الاخذ وفات ایتمكه مبلغ مذکور مؤکله سی مزبوره نیره خانم موروث اولوب انجق رنجی تقسیط اولان طقسان ایکی یچی لیرانك وقت تأدیہ سی مرور ایلدیكندن ومبلغ مذکور ی تأدیہ ایتکی مرقوم علی اغا الیه مزبور مصطفی اغا بکدیكره كفیل اوله رق تعهد ایلدكلرندن واولبابده برده سند ویردكلرندن مبلغ مذکورك مزبور مصطفی اغادن تحصیاتی و مزبورك ایکی قطعه قایغله خانه سنده موجود درت بیک قیه زیتونه موضوع حجرك تصدیقی طلب وادعا وبرقطعه سند ابراز واعطا ایتسنه قارشو مدعی علیه وکیلی دخی مبرز سنده موضوع مهر موکلنك اولدیگی اقرار وموکلای الیه مزبور علی اغانك متوفای مومی الیه سلیمان بكدن اشترا ایلدكلری مذکور زیتونللك تقرر ومعامله رسمیه سی اجرا ایدلماش اولدیغندن ثمن میبعك رنجی تقسیطی اعطا ایدمه . جکی اجرای تقرر وتسليم وقوعنده دفعه تأدیہ دینه حاضر بولندقلری بیان وافاده ایتسی اوزرینه

جریان ایدن محاکمه وتدقیقات نتیجه سنده مدعی علیه وکیلی عقد بیعك وقوعی وثمن میعی اقرار واعتراف ایتش اولسنه مبنی بخله نك بیک بشیوز سكرسان بذنجی ماده سی موجبجه مذکور طقسان ایکی یچی لیرانك كفیل مزبور مصطفی اغادن تحصیله و حجز موضوعك تصدیقیله مذکور قایغك فروخته ومبلغ مذکورہ گذشته نظامیه یوردولسنه ومذکور زیتونللك مشتری عهد سته معامله فراغیه سی اجرایله ورنه نك مجبور طولسنه حکمدن ومستعدی تمیز وکیللك اشبو اعلام علیهنده لایحه سنده محرر اعتراضاتك باشلوجه سی خصمی مزبوره، مذکور زیتونللك مزبور علی اغا به صالتدیگی وموکلنك یالكر كفیل بولندیگی عندالحاکمه ادعا ایتش ایسه ده ابراز ایدیلان دین سندنده مزبور علینك دخی موکلنك ذمتنه ترتب ایدن مبلغه كفیل و دینك نصفی كندوسنه عائد اولدیگی تصدیق ایتسی میبعك نصفللك موكلنه عائد بولندیگی اقرار دینك اولدیگی حالده ثمن بیعك مجموعكك موکلندن تحصیله حکم اولنسی مغایر قانون اولدیگی کی اجرای تقرر ومعامله فراغیه نك مزبور علی اغا الیه مناصقه می یوقسه یالكر علی اغا اوزرینه سی اعطا وایضا ورنه نك مجبور طولسنه جی تعین اولنقی اوزده ورنه نك كیلرندن عبارت ایدوكی تصریح ایدلك لازم كلور ایكن فقره حکمیه ده بوجھلك تعین ایدلماش می وموکلای الیه مزبور علینك ثمن میعی اعطایه رآن حاضر اولوب انجق اشبو اعلامدن ورنه نك كیلر اولدیگی اكلاشلمیه جی و دأر اجرا اخبار نامه بی کیمه تبلیغ ایدجکی بیله میه جکی بجهتله اعلام مذکورك هر ایکی طرفه تعلق ایدن احكامندن یالكر تحصیل ثمنه متدائر اولان فقره حکمیه سی اجرا اولنوب تسليم میبع واعطای تقررہ راجع اولان حکمی بالطبع اجراسز قاهره حکم واقع الیه احقاق حق حاصل اولمه جغندن بخله اعلام مذکورك تقضی استدعاسندن ومدعی عاهاك نتیجه جوابی دخی حکم واقع موافق اصول وقانون اولوب اعتراضات مسروده نك واهی اولدیگی بیانیله ردی واعلامك تصدیقی طلبندن عبارتدر .

ایجابی مذاكره اولندقده اعلام مذکورك نتیجه مفادی: مدعی علیه وکیلی عقد بیعك وقوعی وثمن میعی اقرار واعتراف ایتش اولسنه مبنی ثمن میبعدن اولان مذکور طقسان ایکی یچی لیرانك كفیل مزبور مصطفی اغادن تحصیله و مجبور قایغك فروخت اوله رق مبلغ مذکورك مع قاض تحصیلله فراغ معامله سنك اجراسنه حکمدن عبارت اولسنه نظرأ حکم واقع اسباب موجبیه مستند وموافق اصول وقانون اولوب مستعدی تمیزك بالاده محرر اعتراضاتیه لایحه سنده مندرج سائر اعتراضاتی تقضی حکمی موجب اولمادیغه بناءً اعتراضات مبجوت

عنايك ردیه اصول محاکمه حقوقیه قانونك ایکی یوز قرق ایکنجی ماده سنك فقره ثانیه سی موجبجه اعلام مذکورك تصدیقه ومدعی علیها نیره خانم طرفندن اخذ واستیفا قلنان یوز سكرسان اوچ یچی غروش مصارف تمیزیه نك مستعدی تمیزه عائد اولسنه ۷ تشرین ثانی سنه ۳۱۸ تاریخنده متفقاً قرار ویرلدی .

حسن حساونيك اثنا ی قلنده معاوننده بولندیگی ادعاسندن دولای جنایتله اتهام اولنان عباس الجوده نك اوچ سنه مدته كوركه قولسنه دأر دیوانیه سنجانی بدایت محکمه سی جزا دأر هسندن ایکنجی دفعه اوله رق اعطا قلنان سكرسان بدی نومرولی اعلام محکمه تمیز جزا دأر سنجه تصدیق ایدلشدر .

قالقاندن قضاسنه تابع غستوار ناحیه سنك طرنوه قریه سی اهالیسندن تیر بن عبدینك ماده قلندیدن دولای جنایتله اتهام اولنان قریه مذکورلی زاعم بن فتاحك اون بش سنه مدته كوركه قولسنه دأر پرزین سنجانی بدایت محکمه سی جزا دأر هسندن ویریلان یوزطقسان درت نومرولی اعلام محکمه تمیز جزا دأر سنجه تصدیق ایدلشدر .

حمیدیه قضاسنك سرکلی قریه سنده مقیم ایرانی حاقولی محمد اغا به قتل قصدیله تشهر سلاح ایتسندن دولای جنایتله اتهام اولنان سیدعلی بن بیرامك اوچ سنه مدته كوركه قولسنه دأر اطنه ولایتی استیفاء محکمه سندن ویریلان اوچوز اون نومرولی اعلام محکمه تمیز جزا دأر سنجه تصدیق ایدلشدر .

پرونج ناحیه سی اهالیسندن محمدك زوجہ سی خنیفه خانونی قتل ایتسندن دولای جنایتله اتهام اولنان كاخص قریه لی محوش خضص اوغلی محمدك اون بش سنه مدته كوركه قولسنه دأر ارغنی سنجانی بدایت محکمه سی جزا دأر هسندن ویریلان اوتوز اوچ نومرولی اعلام محکمه تمیز جزا دأر سنجه تصدیق ایدلشدر .

قاردامیله قریه لی پتروطودورا کی بی بالمقابلہ قتل ایتسندن دولای جنایتله اتهام اولنان استراطینك معاقتنه دأر ساقز سنجانی بدایت محکمه سی جزا دأر هسندن ایکنجی دفعه اوله رق ویریلان یکر می سكر نومرولی اعلام محکمه تمیز جزا دأر سنجه تصدیق اولشدر .

بنغازی حاجه حبیب الزینك خانه سی اوطنه سنك

دیوارینی دلهرك اشیا سرقت ایلدكلری ادعاسیله متهم اولان ابراهیم بن محمد الشریف وسالم معتیق علیهارینه رشوت آله رق شهادت كاذبه ده بولندیگی ادعا اولنسنندن دولای جنایتله اتهام اولنان قهوه جی رمضان بن صالحك اوچ سنه مدته كوركه قولسنه دأر بنغازی سنجانی بدایت محکمه سی جزا دأر هسندن اعطا قلنان الی اوچ نومرولی اعلام محکمه تمیز جزا دأر سنجه تصدیق اولشدر .

تیور حصار قضاسنه تابع اللزی قریه سندن بدی رجب بن محمدی قتل ایلدیگی ادعا اولنسنندن طولای جنایتله اتهام اولنان علینك اون بش سنه مدته كوركه قولسنه دأر سپروز سنجانی بدایت محکمه سی جزا دأر هسندن ویریلان ۴۲۴ نومرولی اعلام محکمه تمیز جزا دأر سنجه تصدیق اولشدر

جمعه قضاسنك پالیخور قریه سی اهالیسندن تیور صالحك کریمه سی خیری بی قتل قصدیله اولنسنندن ضرب ایدرك وفاته سبیت ویردیگی ادعا اولنسنندن طولای جنایتله اتهام اولنان قریه مذکورده دن مصالحك بش سنه مدته كوركه قولسنه دأر سرفیجه سنجانی بدایت محکمه سی جزا دأر هسندن ویریلان ۱۷۱ نومرولی اعلام محکمه تمیز جزا دأر سنجه تصدیق اولشدر .

بایندر قصیه سی اهالیسندن مصطفی ابن ولی ی قتل ایلدیگی ادعا اولنسنندن طولای جنایتله اتهام اولنان موسی چاوش بن مصطفی نك اون بش سنه مدته كوركه قولسنه دأر آیدین ولایتی استیفاء محکمه سی جزا دأر هسندن ویریلان ۳۰۲ نومرولی اعلام محکمه تمیز جزا دأر سنجه تصدیق اولشدر .

مضاربہ ایلدكلری ثابت اولان آیینلی چارشوده پروكار استقفاوس وقالفسی آندون وبالقی بازارنده توتونچیلک ایدن واسیلک برر هفته حبسلرینه

عمله دن یورکی الیه پنا یوطك تیارو جی حسن افندینك خانه سته سرقت قصدیله دخول ایلدكلری ثابت اولدیغندن یورکینك تکرر جرمی سبب شدت عد اولنقی اوزده اوچ سنه و پنا یوطك دخی بر یچی سنه مدتلره حبسلرینه

سقا ابراهیم الیه صندالچی صادقك بکدیكری ضرب ایلدكلری ثابت اولدیغندن برر هفته حبسلرینه آراهجی حسنك دقتسر لکله وظاماته رعایتسر لکله مظفر نام چوجغك مجروحیتنه سبیت ویردیگی اكلال - شلدیغندن یکر می کون حبسنه

بارکیر سور بیجیسی حسینك دقتسر لکله اسماعیل نام چوجغك مجروحیتنه سبیت ویردیگی ثابت اولدیغندن اون بش کون حبسنه

زنجیه اسماء قادینك خانه سندن بر عدد بیله ذبک سرقت ایدن طوبخانلی شمس الدین بن خلیلك درت آی حبسنه و ختام مدتنده ضابطه جبه كفالتہ ربطته وامانات دأر هسنده محفوظ اولان مذکور بیله ذبکك دخی اسماء قادینه رد واعاده سته

زوجہ سی شکر یه خانونی جرح ایدن ادرنه قوسونده ساکن صندالچی تحسیندن بر آلتون آله رق مجروحیه ویرلسنه

صالحه طمرق موقعنده مستخدم پولیس محمد امین افندیك اجرای مأموریت حالنده مانیفاتوره جی نسیمی ضرب ایلدیگی ثابت اولدیغندن بر آی حبسنه

جقور چشمه موقعنده مستخدم پولیس طاهر افندی الیه ژاندارمه افرازدن کریم اغا به اجرای مأموریت حالنده حقاتر ایدن قوسقده ساکن عمر افندی بن بر آلتون جزای تقدی آلتسنه

شرکت خیریہ قونطرول مأموری حافظ علی افندیك بارکیر سور بیجیسی عزیز بن حسین ضرب ایلدیگی اكلاشدیغندن افندی مومی الیه دن بر آلتون آله رق مضروب ویرلسنه

ناظم بکك، حسن صالحی وعاصم بکرا الیه تیمور قویلی پترویه اطالہ لسان ایلدیگی ثابت اولدیغندن جرمك تعددی اسباب مشدددن عد اوله رق بش کون حبسنه ایوب موقعنده مستخدم پولیس محمد افندیك اجرای مأموریت حالنده آراهجی محمد اغای ضرب ایلدیگی ثابت اولدیغندن بر هفته حبسنه

باغچه قیوسنده حال محمد بن اشرفی ضرب ایدن عبدالقادر دن بر آلتون آله رق محمد اعطاسه بدی قله ده ساکن صندالچی حسن الیه ترلکچی صالحك مضاربہ ایلدكلری ثابت اولدیغندن برر هفته حبسلرینه درسعادت وبك اوغلی بدایت محاکمی جزا دأر لرنجه قرار ویرلشدر .

مُحَامَلَاتُ اَنْبِیَا هِیْه

اینه کول قضاسی بدایت محکمه سی مدعی عمومی معاونتی وکیلی اولوب ایوم بازار کوی قضاسنده مستخدم اولان پولیس مأموری محمد افندیك مذکور مدعی عمومی معاونتی وکالتنده ایکن سولیه قریه سی اهالیسندن حسن حسینك قلندن طولای جراح خلیل اوسسته الیه قریه مذکوریه عزیمت ایدرك

خلاف قانون خرجراه آدلقری خداوندکار ولایتی استیناف محکمه سی مدعی عمومیکندن کوندریلان اوراق تحقیقیه مؤداسندن آکلاشلدیغندن شویولمز. لقدمه دیگرلرینک دخی مدخللری حالنده حققرنده توحیداً معامله اجرا ایدلمک اوزره مومی الیه محمد افندینک محاکمه آلتنه آلتنه عدلیه نظارت جلیلهسندن مأذونیت ویریهلرک مذکور مدعی عمومیکله تبلیغات مقتضیه اجرا ایدلمشدر .

اِیْلانات

ارضروم استیناف محکمه سی مدعی عمومیکندنه :
پلومر قضاونه تابع برکت قریه سی بکجیسی صاوه اوغلی علی بی ضرب و اشیا و حیواناتی اخذ و غصب ایللرندن طولانی مظنون اولان قزل کلیسا قضاونه مربوط قیام قریه لی علی ولی محمد و عموجه سی موالینک فعل مذکوره مجاسرتله فرار ایدلکاری اولباده کی اوراق تحقیقیه مألندن اکلا شامش و حرکت واقعلری قانون جزانک ۲۲۱ نجی ماده سی حکمنی مستلزم مواد جنائیه دن اوله رق ارزنجان بدایت محکمه سی جزا دائره سنده محاکمه لری اجرا ایدلمک اوزره جنایتله اتهاملرینه قرار ویرلمش اولدیغندن مرقومانک هر نروده کوریلور ایسه لر در دستیله محکمه مذکوره توقیفخانه سنده تسلیم ایدلملری لازمکله جکی بالجلله ضابطه عدلیه مأمورلرینک معلومی اولمق اوزره اشبو اخذ و گرفت مذکوره سی ارضروم هیئت اتهامیه سندن بالتنظیم اعطا قلندی .

ارزنجانک کشادیه محله سنده مقیم برادری نشان ایله برطاقم مخابرات فسادیه ده بولمسندن طولانی مظنون علیه بولسان و فراداً پارسه کیتمش اولان اکین اهالیسندن ترساقیان اوبدیسک فعل مذکوره مجاسرتله فرار ایدلکی اولباده کی اوراق تحقیقیه مألندن اکلاشلش و حرکت واقعیه سی قانون جزانک الی سکننجی ماده سی حکمنی مستلزم افعال جنائیه دن اوله رق ارزنجان بدایت محکمه سی جزا دائره سنده محاکمه سی اجرا قلنمق اوزره جنایتله اتهامه قرار ویرلمش اولدیغندن مرقومک هر نروده کوریلور ایسه در دستیله محکمه مذکوره توقیفخانه سنده تسلیم ایدلمی لازم کله جکی بالجلله ضابطه عدلیه مأمورلرینک معلومی اولمق اوزره اشبو اخذ و گرفت مذکوره سی ارضروم هیئت اتهامندن بالتنظیم اعطا قلندی .

تجارت بحریه محکمه سنده :

در سعادتده بالقی بازارنده مقیم صراف خرستو فوروسی پاسقالیدینک ۴ کانون اولسنه ۳۱۸ تاریخندن اعتباراً اعلان افلاسنه و مصالح افلاسیه نک رؤیت و تسویه سی ضمننده اعضای محکمه دن سعادتلو جلال الدین بکک ژور قومیسر و دعوی وکیللرندن الیاس سیموناکی و پوزانت ترزییان افندیلرک موقت سندیک تعیینلرینه و مغازه سیله اشیا زائده بیتیه سنک تمهیرینه و اوراق و دفاترینک جلبنه و کفالت اراؤه ایده مدیکی تقدیر ده حبس و توقیفنه و بو بابده کی قرارک موقه اجراسنه محکمه تجارت بحریه جه قرار ویرلمش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنمق اوزره اشبو کانون اولک اون یدنجی صالی کونی ساعت سکنز راده لرنده اصحاب مطلوبک محکمه مذکوره نک افلاس اوطه سنده کللری اعلان اولنور .

ایکنجی تجارت محکمه سنده :

استانبولده بکی جامع شریف جاده سنده الی برنومرولی مغازه ده ساکن ایکن ایکنجی محکمه تجارتدن افلاسنه حکم اولنش اولان خردوات تجارتدن ق دامادیانک خصوصات افلاسیه سنک رؤیت و تسویه سی ضمننده دعوی وکیللرندن کاتیان و سرکز آیحیان افندیلرک اصالة سندیک تعیین قلنمش اولدقلرندن مفلس مرقوم ذمتده الهجنی اولنلرک قانوننامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکرمی برکون ظرفنده سنداتی محکمه کاتبه تسلیم ایللری ومدت مذکوره ختامندن صکره اوچ کونده یعنی اشبو اوچبوز اون سکنز سنه سی شهر کانون اولنک یکرمی دردنجی صالی ویکرمی بشنجی چهارشنبه ویکرمی التجی پنجشنبه کونلرنده ایکنجی محکمه تجارتک افلاس اوطه سنه کله رک سندیک افندیلر مواجهه سنده اله جقلرینی اثبات وقید و تصدیق ایتدیرملری ومدت مذکوره ده اثبات وجود ایده میان اله جقلولر حقنده قانون مذکورک ۲۱۰ نجی ماده سنده توفیقاً معامله اولنه جنی اعلان اولنور .

بک اوغلی بدایت محکمه سی اجرا دائره سنده :

محمد امین افندینک حسن اغا ذمتده محکوم به الهجنی اولان معلوم المقدار مبالغک تأمین استیفاسی ضمننده مدیون مرقومک عهده تصرفنده بولسان اورته کویده جامع شریف زقاغنده اوچ نومرولی برباب خانه نک اون ایکی حصه اعتباریه درت حصه سی

حجز ایدلمش اولدیغندن سکنز کونه قدر دینسک تسویه سنده برصورت کوسترلمدیکی حالده بالمزایده فروخته تشبث اولنه جنی بک اوغلی اجرا مأموریتی جانبندن اعلان اولنور .

علی رضا افندینک فاطمه اقبال خانم ذمتنده جهت قرضدن الهجنی اولان معلوم المقدار مبالغک تأمین استیفاسی ضمننده داین مومی الیه عهده سنده وفاء مفروغ و فروختی محکوم بولنان اوزون چارشو باشی جاده سنده قرق التی ذراع عرصه اوزرینه مبنی فوقانی بر باب اوطه بی مشتمل ایکویز طقسان بش نومرولی کارکیر بر باب مسک یاغجی دکانی بوندن اقدام لدی المزایده اون یدی بیک غروش النون انچه بدل ایله طالبی عهده سنده تقرر ایتمش اولمغه تاریخ اعلاندن اعتباراً اوتوز برکون ظرفنده یوزده بش ضمیمه طالب اوللرک بک اوغلی بدایت محکمه سی اجرا دائره سنده مراجعت ایللری و اوتوز برنجی کونی دخی قرارداد قطعیسی کشیده قلنمق اوزره ساعت اوچ قرارلرنده دکان مذکور پیشگاهنده حاضر بولملری اعلان اولنور .

مناسرتولایتی مرکز بدایت محکمه سی حقوقه دائره سنده :
قرشوه لی طومه ولد نیقوله نک مناسرت بدایت محکمه سی حقوق دائره سنده اعطا ایدلکی استدعاده متوفی برادری اسپرو نیقوله ایله قبل الوفات میانه لرنده منازع فیه نصف دکانک مرقومک اوزرینه تقریر ایدلمسینه دایر استحصال ایدلکی ۱۱ شباط سنه ۳۱۲ تاریخلی و ایکویز قرق نومرولی اعلام موجبجه مذکور نصف دکانی بالرضا خارجاً متوفای مرقومک وارثلری اوزرینه تقریر ویرمش اولدیغندن اعلام مذکورک حکمسزلکنی ادعا ایلش و بوبابده کی محاکمه نک اوچبوز اون سکنز سنه سی کانون ثانیسنک یکرمی یدنجی کونی ساعت التیده فصل ورؤیتی مقرر بولنش اولدیغندن محل اقامتی مجهول اولدینی اکلاشیلان ورثه متوفان ناعومک یوم و وقت مذکورده بالذات محکمه مذکوره ده حاضر بولنسی و یاخود طرفندن مصدق سندله بروکیل کوندرمی لازم کله جکی و شاید کلز و وکیل دخی کوندرمز ایسه حقنده معامله قانونیه اجرا قلنه جنی معلوم اولمق اوزره تنظیم قلنان دعوتیه ورقه سی محکمه دیوانخانه سنده تعلیق قلندینی کبی کیفیت غزته ایله ده اعلان اولنور .